

www.e-rara.ch

Les croniques des roys de France

Nourry, Claude

Imprimees nouvellement a Lyon, sur le rosne le XX. iour de decembre 1501

Universitätsbibliothek Bern

Shelf Mark: MUE Bong V 223 : 4

Persistent Link: <https://doi.org/10.3931/e-rara-17250>

Comme dit le philosophe ...

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

Qomme dit le philosophe au premier liure de sa methaphisique. Tous hommes naturellement desirent scauoir, & pource ont les grans clerz & aussi les gens de grant entendement conuoict de aprendre sciences & scauoir la Verite des choses. Les Vngz par philosophie/les autres par poeterie/ & les autres par hystoires & croniques des choses passees. Et sur ses trois ont grandement labouré, tellemēt que la mercy dieu & les bones diligences & labours on en a de present grant cōgnoissance par les innūerables volumes des liures q̄lz ont faitz & cōpillez en grādes curiosites et peines iusques au iourd'hy. Et pource q̄ sur toutes choses les princes & gens de hault estat & entendement desirēt veoir les hystoires des treshaultz & notables faitz de leurs predecesseurs q̄ sont dignes de memoire & de perpetuelle recomādacion & qui ne peuvent vacquer a veoir au long les grans liures ou yceulz sont traictes pour leur plixite & pour les grandes occupaciōs quilz ont cōtinuellemēt pour les affaires de la chose publique pour cōplaire aux entendemēs de ceulz qui ont autrefois veu les dīctes hystoires au long & les garder de peine & dennuy quilz pourroyēt auoir a visiter les liures ou elles sont couchees pour obscurs & diuers passages qui y sont nonobstāt que entre les autres hystoires veu les grans & notables faitz que ont fait les frācois soit peu escript diceulz au regart des grecz/romains/atheniens & autres. Si sera icy en ce petit liure touche par memoire des croniques abregees de notables faitz des frācois & dont ilz sont venus & deduis depuis adā iusqs a noe/de noe a mēbrotz p̄mier de caldee/de mēbrotz au roy priā d̄ trope/de priā a f
an

premier roy de sincābre / de francoꝝ a pharamond p̄mier
roy des francois en qui cōmenca la premiere ligne des
roys de frāce. De pharamond au roy pepin pere de char
le le grant en qui commença la seconde ligne. De pepin
au roy huc capet qui fut grant comte de paris en qui cō
menca la tierce ligne. De huc capet au roy phillipe de
Valois en qui cōmēca la quarte ligne / de laq̄lle ligne
est le roy loys douziesme de ce nom a present regnant / et
a plusieurs princes de son royaulme. Toutefois il ny a
eu que lesdictes quatre ligne des roys de france iusque
a p̄sent. Mais pour ce qu'on pourroit dire que le cōposi
teur de cestuy liure en a mis plusieurs a son plaisir pour
esleuer la nation francoise pour ce qu'on ne trouue point
liure ou il soit de si loing / ne si particulieremēt parle des
faitz desditz frācois sans y mesler ou entremettre autres
hystoires affin que lon cōgnoisse que ledict compositeur
ny a mis rien du sien il a voulu descrire les lieux ou il
les a extrais pour les mettre a couchier en brief en ce pe
tit liure selon qui les a peu entendre a cōgnoistre quilz ser
uoient a son intention cōme de la bible au premier liure
de geneſe / de iosephus / des faitz saint remy de rains /
saint augustin / saint loup / saint gille / saint lambert /
saint colombā / a de la legēde de plusieurs autres faitz
a saintes au propos des faitz des francois / des croniques
dan pierre / saint gisbert / a saint pierre le Bis de sens / de
larcheuesque turpin de rains au liure quil a fait des cro
niques de frāce qui est a saint germain des prez lez pa
ris / du liure q̄ fust de la discorde des enfans loys le de
ſire / du liure de ysidore en ses ethimologiations.
Des croniques martin damasse a Vincent de Beau

hystoires

naïs / de hugnes flozinensis qui furent grans hystoria/
graphes / des faitz des papes & eperours de rome, de gre
ce, de lombars / normans / picardz / flamanbz / & autres p
ticulieres croniques de plusieurs autres nations. Et com
bien q̄ par les faitz diceulx hystoriographes ne soit parle
des faitz du roy Jehan / charles. V. charles. Vi. charles.
Vii. lops. vii. charles. Viii. & de lops. xii. a p̄nt regnât pour
ce quilz nestoiēt pas duug temps. Au mains si en sera il
parle au plus pres de la verite selon leur ordre a la fin du
liure par la relation de notables gens a present viuāns les
quelz de leur temps ont veu & ouy reciter p̄ leurs predeces
seurs ce que desditz roys sera cy ple. Et aussi par ce q̄ lon
trouue escript de eulx par notables gens en maniere de
cronique qui aide fort a en parler. † †

¶ De adam.

Pour entrer en la matiere on trouue par les hystoi
res dessusdictes q̄ apres que dieu eut cree le firma
ment & ppose les quatre qualitez p̄mieres / & dicelles les
quatre elemēs de quoy no^r & toutes choses de ce mōde sō
mes cōposez & soustenuz & qui ont remply la terre / leaue /
& lait des choses qui sont necessaires pour la limētation
substātation / & necessite de lhōme lesquelles choses il fist
par cinq iours. Au. Vi. iour il crea adam & eue le premier
hōme & la p̄miere fēme desquelz tout le genre humain est
descēdu & les mist en paradis terrestre innocēs & mortelz
auq̄t il ne furēt que six heures sans pecher & q̄lz ne passa
sent le cōmādemēt de dieu pour le mord de la pōme pour
laq̄lle chose deuindrēt pecheurs & mortelz & a la. iij. heure
furēt chassez de paradis terrestre & leur cōuint labourer
pour auoir leur vie & bien & sentrecōgneurēt & entrent